

明府皖江世族學有淵源宰武  
八年懸象魏消鼠牙立社學置  
義倉興利除弊政通人和其平  
日之究心亦良苦茲事求其本  
任肩其難邑之

聖廟傾頽殆甚欲振舊規費累巨萬  
遂捐俸爲倡士庶爭輸選諸文  
人俾董其事不數月而落成棟  
宇翬飛閤閼丹堊瞻

殿靡之巍巍我藪芹藻之芳潤衆用命

叙

馬教誠信矣而又慮明賢良吏  
可以奉一時之俎豆者未必可  
以綿百世之馨香苦節堅貞可  
以隆一時之祀典者未必可以  
垂百代之人心舉凡地利輿圖

人情物土可以習傳聞於父老  
者未必可以徵沿革於簡編倘  
非起百年蠹蝕之餘重加纂輯  
詎不典型日墜風教就湮而所  
謂繼已往之陳迹以昭示來茲

叙

三

者不幾微哉復進紳耆同襄盛  
事若則旁搜博採若則比事屬  
詞若則訂僞釐訛而刑清政簡  
之暇一一悉心讐校刪繁就簡  
著信闕疑缺者補之故者新之

其取廣而不私其事詳而不濫  
予讀其書不禁肅然嘆曰是克  
盡有司之職者也我

國家敦典禮崇學校砥節勵名型  
方訓俗使萬古之人心火而弗


叙

四

替者皆此志載之書有以維持  
於其際是邑乘之成非僅備文  
獻之徵輶軒之採擇已也洵見  
士食舊德農服先疇風俗還淳  
人文蔚起謂非賢宰舉廢繼絕

彰善闡幽崇德務本之所由致  
歟是爲序

誥授奉政大夫知深州直隸州事楚北蔣兆璠撰



叙

五

重修武強縣志叙

邑之有志自明隆慶間歐陽太  
史創修至萬歷癸卯而再訂於  
邑宰閻公迨我

朝康熙丁未李公道先慨然以政

序

治風俗視運會爲轉移復釐正  
而袁輯之越二十七年邑紳張  
雁濬先生解組歸里慮人事之  
日增流傳遺佚廼詳徵博採理  
亂芟繁取舊簡而重加修輯名

曰新志迄今百三十餘年矣政  
事之興廢人文之盛衰參之見  
聞今昔殊異求諸文獻散佚難  
稽令采風者欲求數十年以內  
之事而不可得遑問其他抑亦  
序  
長邑者之咎也道光十年冬邑  
之紳士以

文廟工舉而志久未修恐日就淪落  
亟宜採纂爲請竊謂志之爲書  
所以彰往察來祛疑傳信上爲

緝符之龜鑑下爲奉法之準繩  
凡方輿之羅列建置之沿革賦  
口之豐約典禮之修廢以及設  
學校以覘士習序職官以察吏  
治登選舉以別賢才詳人物以  
序



三

驗臧否傳列女以昭壺德與夫  
事有可徵者誌雜稽以存其梗  
槩學有足述者載藝文以著其  
根柢斯不足以識已往而示將  
來乎惜風移世變代遠年湮前

典舊章既莫徵之於簡策齒危  
髮禿復難覲之於晦明無以傳今  
焉能信後於是延諸紳士爲採  
訪綜之者舊誼之宿儒按孫子  
之守藏求先賢之遺跡并命邑

四

吏詳稽文檄因革損益必使導  
委溯源繼得尹衡峯先生所纂  
深州總志自康熙甲戌以後至  
乾隆丙子以前斯邑之載在州  
志者詳加採核又於舊卷敗麗

中得前人所彙遺稿廼命同懷  
弟慎典悉心編次綜而閱之釐  
而訂之去其重複正其焚亂體  
裁悉依尹州志張新志爲宗而  
未敢參以已見至於邑之爲患  
堵築一說疊承

序

五

憲檄以興復義倉爲要務因於義  
倉類後附新規一條水旱天災  
也載祈雨求晴之法於祭祀後

以利民之用書院育才也叙課  
試經費之由於學額後以興民  
之行他如賑濟爲救荒之策捕  
蝗爲衛稼之方保甲爲綏靖之  
資醫方爲回生之計其有關於

序

六

民生者舉附於雜稽之末苟思  
患而豫防自因利而乘便蓋教  
養經畫之道亦爲政者所宜講  
未可以爲迂圖恐貽譏於大雅  
之林而屏而黜之也斯書之成

凡閱八月而開雕爲卷十有二  
目九十有二篇中必書所據明  
有所師承也庶幾百三十年來  
在官之政蹟在野之俗尙於茲  
可見或可備省方采風之需而

序

七

爲人心風俗之倡俾後之覽者  
以修善政以敦懿行不致嘆風  
微人往湮沒弗彰欲考證而未  
由徒咨嗟而掩卷區區之心竊  
爲此耳若夫義類無該考覈簡

約母遺母濫持鑑胥平所望於  
後之君子取是以正其失焉則  
行之所深幸也爰序諸簡端以  
昭就正云時

序  
道光十一年歲在重光單闕夷

則月上澣

勅授文林郎知深州武強縣事古猷程慎行撰



武強縣新志序

張星法 邑人

志何昉乎昉於爾雅司馬遷曰書班固曰志蔡邕曰意華嶠曰典張勃曰錄何法盛曰說餘史並承班固謂之志志特史之一耳史者天子之書志則郡國之史也志者識也存往蹟以示將來也前人謂省志從其簡郡志存其概州縣志則務其詳然志不宜繁亦不宜畧繁非詳也叢脞而冗靡也簡非畧也峻潔而雅馴也鄭夾漈謂修史之難無出於志諸家皆詳於浮言不足以盡爾雅之義况其

武強縣新志序

下焉者今郡國有志雖用其名而體裁記載一準史例至於文直事核簡潔雅馴不得有所易也而幾此也難矣武強僻壤耳邑乘久不修輯數十年來城郭館署之廢興典章制度之因革循吏名賢節義人文之後先輝映載筆闕如漫無可攷不佞每讀而嘆焉會前者濫竽臺班心切報國謬事彈擊賴

聖明高厚薄謫歸田迄今長林豐草與二三野老較雨暘晴皆君恩轂翼之貽也自念迂踈寡諧閉門

卻掃年齒未衰又不欲玩日愒月因取舊編刪補而彙括之文省於舊事增於前略按體裁彙爲一書冊分爲四目列爲八款臚五十有一題曰新志不敢沒舊文也嗟乎昔唐張說卽家修史宋司馬光歸洛著書不佞何能遠紹風徽仰均先達第深怵乎斷簡之無徵勉加纂訂用備下邑文獻之一云峕

康熙三十三年歲次甲戌九月

舊修武強縣志姓氏

明隆慶間

輯修

翰林院編修邑人 歐陽煥

叅定

知武強縣事 錢博學

明萬曆癸卯

總裁

知武強縣事 閻鍊

武強縣新志 姓氏

編次

教諭 奚文嵩

教諭 孫敬宗

訓導 余元岳

校訂

廩生 張崇德

王三汲

張學載

張五倫

于時躍

周鳴鳳

國朝康熙丁未

總裁

知武強縣事 李道光

編次

訓導 吳

邑紳 賈振裘

訂正

武強縣新志 姓氏

二

庠生 周文英

辛經世

辛日新

國朝康熙甲戌

修輯

邑紳 張星法

參定

知武強縣事 冼國幹

國朝道光庚寅重修武強縣志姓氏